

Pejuang sektor pertanian




Peladang,
nelayan
penternak
model terulung

dalam sektor pertanian dan industri asas tani yang perlu dikomersialkan dan menjadi sumber pendapatan yang utama kepada rakyat, sekali gus dapat meningkatkan pendapatan negara. Tidak terkecuali juga hasrat kerajaan untuk melihat aktiviti pertanian moden mencapai satu tahap membanggakan dan merealisasikan impian ke arah mencapai Wawasan 2020.

Sejak sebelum merdeka, sektor pertanian diiktiraf sebagai salah satu bidang ekonomi strategik yang menjana pendapatan negara dan pembangunan seimbang di antara kawasan bandar dan luar bandar.

Kementerian Pertanian diwujudkan pada tahun 1955 bagi membangun dan memajukan sektor pertanian pada masa itu. Setelah 56 tahun penubuhan kementerian yang bertanggungjawab dengan portfolio pertanian ini, dibantu agensi di bawahnya termasuk Lembaga Pertubuhan Peladang (LPP), kita sebenarnya boleh berbangga dengan pencapaian yang ditunjukkan oleh sektor pertanian negara.

Ketika negara mengalami krisis makanan pada 2008, kerajaan melaksanakan Dasar Jaminan Bekalan Makanan bertujuan meningkatkan pengeluaran makanan dalam



▶ LIHAT MUKA 3



KETUA Setiausaha Kementerian Pertanian dan Industri Asas Tani, Datuk Mohd Hashim Abdullah (tengah) melawat projek ternakan ikan dalam sangkar, sambil ditemani Ketua Pengarah LKIM, Mohad Khazin.



PENGGUNAAN teknologi dan baka terpilih hasil usaha penyelidikan termaju mampu meningkatkan pendapatan petani.

Oleh Mohd Zamberi Othman
bhnews@bharian.com.my

HARI Peladang, Penternak dan Nelayan (HPPNK) yang disambut pada 6 Ogos setiap tahun tidak sekadar menjadi platform membolehkan golongan terbabit mempamerkan hasil titik peluh atau sebagai saluran untuk bertukar pendapat dan berkongsi pengalaman masing-masing.

Lebih daripada itu, ia sebenarnya adalah pengiktirafan kerajaan terhadap tanggungjawab dan sumbangan yang dibawa oleh peladang, penternak dan nelayan dalam pengeluaran makanan dan sektor pembangunan pertanian negara. Selama ini, golongan berkenaanlah yang menjadi nadi pembekal utama makanan negara.

Justeru, penghargaan sedemikian mengambil kira kegigihan, semangat keusahawanan dan kejayaan mereka untuk memajukan diri secara individu, berkumpulan atau organisasi menerusi kegiatan yang berkaitan. Pada masa yang sama, peluang ini juga diguna untuk menonjolkan model peladang, penternak dan nelayan yang berjaya untuk dijadikan contoh kepada orang lain. Malah menerusi sambutan sedemikian, masyarakat turut berpeluang menilai sejauh mana pencapaian pembangunan dan kemajuan yang telah dikecapi peladang, penternak dan nelayan serta usahawan tani dalam membangunkan sektor pertanian dan industri asas tani.

Secara am juga jelas menunjukkan komitmen jitu dan usaha Kementerian Pertanian dan Industri Asas Tani (MOA) untuk terus memajukan lagi industri pertanian ke tahap yang lebih tinggi sebagai salah satu industri utama negara, sekali gus meneroka laluan dalam usaha mempromosikan Malaysia sebagai hub pembangunan agro terulung di rantau ini.

Sememangnya kerajaan mengharapkan berlaku satu transformasi

TEMU BUAL DATUK SERI NOH OMAR, MENTERI PERTANIAN DAN INDUSTRI ASAS TANI SEMPENA HARI PELADANG, PENTERNAK DAN NELAYAN

? SETIAP tahun, 6 Ogos akan diisytiharkan sebagai Hari Peladang, Penternak dan Nelayan (HPPN) bagi memberi pengiktirafan dan penghormatan kerajaan kepada masyarakat peladang, penternak dan nelayan serta usahawan tani seluruh negara. Apakah yang dilaksanakan MOA untuk membantu peladang, penternak dan nelayan selama ini dan berapakah pula bilangan yang berjaya.

MOA menyediakan pelbagai jenis bantuan, subsidi dan insentif bertujuan membantu peladang, penternak dan nelayan berkecimpung dalam bidang pertanian. Antara bantuan disediakan bagi sektor tanaman adalah Pembangunan Tanah Terbiar meliputi pembangunan infrastruktur ladang seperti pembersihan kawasan, jalan ladang, sistem saliran dan sistem pengairan serta insentif amalan teknologi dengan kadar maksimum sebanyak RM20,000/ha diperkenalkan.

Selain itu, kita turut menyediakan Insentif Teknologi Amalan Pertanian Baik meliputi pembangunan industri buah-buahan, sayuran dan tanaman komoditi berpotensi, bunga-bunga serta industri kopi. Bantuan diberi dalam bentuk benih berkualiti, baja, racun, sistem pengairan, mekanisasi ladang dan pengendalian lepa tuai.

Kita juga memberikan Subsidi Harga Padi dengan kadar RM248.10 bagi satu tan metrik berat bersih padi yang dijadualkan di kilang berdaftar dengan BERNAS. Di bawah Skim Baja Padi Kerajaan Persekutuan pula, pesawah diberi baja sebatian pada kadar 240kg/hektar (12 beg @ 20kg/beg) dan baja urea pada kadar 100kg setiap hektar baja urea (5beg@ 20kg/ beg).

Melalui Insentif Pengeluaran Padi pula, Kerajaan memberikan Bantuan Baja Tambahan dan Bantuan Upah Bajak kepada petani. Bagi Baja Tambahan, kadar yang diberikan ialah sebanyak RM140/ha/musim, manakala bagi Bantuan Upah Bajak pula, kadar bantuan yang diberikan oleh Kerajaan ialah sebanyak RM100/ha/musim.

Lain-lain insentif yang disediakan ialah Insentif Peningkatan Hasil sebanyak RM650 bagi setiap metrik tan kenaikan hasil padi sekurang-kurangnya 1% dari musim asas serta Insentif Benih Padi Sah sebanyak RM1.03 kepada pengeluar benih padi sah bagi setiap kilogram benih padi sah yang dikeluarkan.

Tidak ketinggalan Pembangunan Industri Asas Tani yang mana bantuan diberi dalam bentuk latihan kepada pengusaha dari aspek pengurusan perniagaan, pengurusan kewangan, pemasaran, pembungkusan dan pelabelan serta kursus teknikal, termasuk cara memproses produk dan program kawalan kualiti.

Manakala insentif yang disediakan di bawah Program Jaminan Bekalan Makanan (PJBM) adalah Baja Tambahan NPK diberikan kepada petani dengan kadar RM400/ ha (3 beg @ 50kg setiap beg), Bantuan Kawalan Makhluk Perosak sebanyak RM200/ha/musim dan Bantuan Kapur sebanyak RM850/ha diberikan bagi menambah kesuburan tanah.

? Apa pula insentif disediakan bagi sektor perikanan.

Untuk sektor perikanan, Kementerian menyediakan Subsidi Diesel dan Petrol Nelayan pada harga RM1.25 seliter kepada nelayan yang menggunakan vesel berjentera dalam dan Subsidi petrol pada harga RM1.25 seliter kepada nelayan yang menggunakan jentera sangkut.

Mulai Jun 2011, vesel Zon C2 menerima harga subsidi RM1.80 sementara nelayan vesel Zon A, B, C kekal dengan harga RM1.25

MOA juga memberikan Insentif Hasil Tangkapan pada kadar 10 sen kepada nelayan bagi setiap kilogram ikan yang didaratkan dan diisytiharkan kepada Lembaga Kemajuan Ikan Malaysia (LKIM). Mulai 1 Jun 2011, kadar RM0.20 diberikan kepada nelayan vesel C2 bagi setiap kg ikan yang didaratkan dan diisytiharkan. Kategori ikan yang layak dibayar insentif adalah ikan untuk dimakan dan untuk diproses. Manakala kategori ikan yang tidak layak dibayar insentif adalah ikan baja, kerang-kerangan, ikan ternakan dan ikan air tawar yang ditangkap di sungai dan tasik.

Had Maksimum bayaran insentif tangkapan ikan (RMper bulan) adalah seperti berikut carta di bawah:

? Adakah kerajaan turut menyediakan Elaun Sara Hidup Nelayan

Ya, kita menyediakan pemberian tunai berjumlah RM200 sebulan kepada pemegang lesen dan pekerja vesel warganegara Malaysia.

? Apakah lagi insentif yang disediakan bagi membantu



golongan peladang, penternak dan nelayan.

MOA juga menyediakan bantuan infrastruktur asas, input ternakan, peralatan mudah alih, perkhidmatan pembangunan, khidmat nasihat, latihan sangkut, lawatan sambil belajar, seminar/bengkel, penerangan dan promosi diberikan kepada penternak/pengusaha akuakultur.

Itu diadakan menerusi saluran Sistem Penyampaian dan Khidmat Sokongan (SPeKS) Akuakultur seperti Pembangunan Zon Industri Akuakultur dan Projek Impak Tinggi, Penstrukturan Semula dan Pembangunan Komuniti Akuakultur; Percubaan dan Demonstrasi, Program Inkubator; Projek Khas (Projek D'Raja, MoA Inc., Projek Khas Parlimen, Projek Kecil Kawasan parlimen, MPPP, Projek PPRT dan lain-lain projek yang diputuskan Kerajaan), Bantuan Bencana, Pembangunan Usahawan Siswazah (Akuakultur)/Synergy Farming dan Pelepasan Umum

Manakala bagi sektor ternakan pula, antara bantuan yang disediakan adalah Program Pembangunan Usahawan Asas Tani, iaitu memberikan bantuan dalam bentuk input ternakan, mesin memproses, khidmat nasihat, menaik taraf premis memproses sedia ada, bimbingan latihan dan khidmat teknikal.

Selain itu, usahawan juga digalakkan menyertai pameran dan promosi produk IAT sama ada di



MOA menyediakan pelbagai jenis bantuan, subsidi dan insentif bertujuan membantu peladang, penternak dan nelayan berkecimpung dalam bidang pertanian



dalam atau luar negara bagi tujuan market access. Pada 2010, seramai 131 daripada 217 orang usahawan industri asas tani berasaskan ternakan berjaya meningkatkan pendapatan mereka. Manakala seramai 146 daripada 217 orang usahawan berjaya meningkatkan pendapatan mereka bagi tempoh Januari hingga Jun 2011.

Kita juga mengadakan Program Pembasmian Kemiskinan yang bertujuan membasmi kemiskinan dan menambah pendapatan RM200 sebulan sekeluarga dengan pemberian bantuan input ternakan, makanan ternakan, khidmat nasihat serta peralatan bagi pembinaan kandang dan reban.

Turut diadakan Program Penguatkuasaan Industri Unggas (PPIU) bagi meningkatkan pengeluaran dan kualiti daging dan telur dengan memberi bantuan peralatan seperti set inkubator; mesin pembancuh makanan, pagar dan infrastruktur.

Manakala Program TRUST pula bertujuan meningkatkan pengeluaran dan kualiti daging lembu dan kambing dengan memberi pinjaman induk dan pejantan dengan bayaran balik dalam tempoh 7 tahun sama ada menggunakan tunai atau ternakan betina.

Program lain yang dijalankan ialah Pembangunan Modal Insan melalui kursus selama tiga hari dan Program Ladang Satelit bertujuan meningkatkan pengeluaran dan kualiti daging lembu dengan penyediaan ladang dan kandang fidlot untuk pengusaha yang boleh terus memulakan projek.

? Datuk Seri, berapa bilangan yang berjaya dibantu.

Dalam Rancangan Malaysia Ke-9, Projek Pembangunan Tanah Terbiar yang dibangunkan adalah seluas 8,107.7 hektar membabitkan 6,852 peserta. Bagi 2011, seluas 394.53 hektar kawasan tanah terbiar dibangunkan dan membabitkan 346 peserta.

Sementara itu, bagi pemberian Subsidi Diesel dan Petrol Nelayan, mengikut rekod Jabatan Perikanan Malaysia, bilangan vesel perikanan laut dalam (Zon C2) yang terbabit dalam penstrukturan semula subsidi sehingga kini adalah sebanyak 1,502 vesel yang terdiri dari 853 vesel yang menggunakan perkakasan pukut tunda, 551 vesel menggunakan pukut jerut (termasuk 11 vesel stick held deep net di Sarawak), 93 rawai dan 5 bubu.

Nilai kadar subsidi yang ditampung oleh kerajaan ialah sebanyak RM147.25 juta sebulan atau 1.767 bilion setahun.

Bagi Insentif Hasil Tangkapan pula, nelayan (Pemilik Vesel) menerima Insentif Tangkapan Ikan yang diisytiharkan sebanyak RM0.10 sen sekilogram ikan. Purata Insentif Tangkapan Ikan yang dibayar pada setiap bulan ialah sebanyak RM4.79 juta atau RM57.48 juta setahun membabitkan 24,544 vessel perikanan.

Mengenai Sistem Penyampaian dan Khidmat Sokongan (SPeKS) Akuakultur, berdasarkan pementauan, setiap pengusaha aktif menjalankan projek dan mencapai sasaran yang sudah ditetapkan. Pada 2010, seramai 72 orang pengusaha terbabit dengan pendapatan berjumlah RM6,717,862,

INFO	
Had Maksimum Bayaran Insentif Tangkapan Ikan (RM/bulan)	
Nelayan Pantai (RM0.10 sekilogram)	
Jenis	Jumlah Kadar Bayaran Maksima (RM)
Vesel Tradisi Enjin Sangkut	150.00/bln atau 1500 kg
Vesel Tradisi Enjin Dalam	350.00/bln atau 3,500 kg
Vesel Komersial Zon B	750.00/bln atau 7,500 kg
Vesel Komersial Zon C	1,500.00/bln atau 15,000 kg
Vesel Komersial Zon C2	2,500.00/bln atau 25,000kg (Sebelum 1/6/2011) 5,000.00/bln atau 50,000kg (dibayar mulai 1/6/2011)
Nelayan Laut Dalam (RM0.20 sekilogram)	
Selepas penyelarasan subsidi bahan api kepada nelayan laut dalam pada 1 Jun 2011 - Vesel Zon C2 - RM5,000.	

Skim jaminan kredit diperluas

DARI MUKA 2

manakala seramai 44 orang pengusaha terbabit sehingga Jun 2011 dengan pendapatan RM1,387,020.

Sementara itu, Program Pembangunan Usahawan Asas Tani Berasaskan ternakan membabitkan bantuan dalam bentuk input ternakan, mesin pemrosesan, khidmat nasihat, menaik taraf premis pemrosesan sedia ada, bimbingan latihan dan khidmat teknikal.

Selain itu, usahawan juga digalakkan menyertai pameran dan promosi produk IAT sama ada di dalam atau luar negara bagi tujuan *market access*. Pada 2010, seramai 131 daripada 217 orang usahawan industri asas ternakan berkesan meningkatkan pendapatan. Manakala seramai 146 daripada 217 orang usahawan berjaya meningkatkan pendapatan mereka bagi tempoh Januari hingga Jun 2011.

Program Pembasmian Kemiskinan menunjukkan hasil menggalakkan apabila seramai 605 keluarga yang terdiri daripada keluarga miskin tegar dan miskin dibantu membabitkan 200 keluarga pada 2009 dan 405 keluarga pada 2010.

Apakah yang sedang dirancang dan akan dilaksanakan Kementerian bagi meningkatkan usaha membantu peladang, penternak dan nelayan.

MOA sentiasa merancang strategi untuk membantu peladang, penternak dan nelayan. Berikut itu, kita merangka Dasar Agromakanan Negara (DAN) 2011-2020 iaitu kesinambungan kepada Dasar Pertanian Negara Ketiga 1998-2010 (DPN3). Ia bertujuan meningkatkan pendapatan petani, penternak dan nelayan serta menjamin bekalan makanan.

Dasar ini juga menggariskan 7 hala tuju strategik untuk meningkatkan daya saing di sepanjang rantaian nilai di samping meningkatkan pengeluaran secara mampan.

Apakah strategi yang dirancang untuk mencapai hala tuju strategik DAN ini Datuk Seri.

Antara strateginya ialah memperkenalkan Program Home Garden Produce sebagai aktiviti

sampingan untuk komuniti desa dan pembangunan program akan dirangka secara bersepadu di sepanjang rantaian nilai yang membabitkan aktiviti seperti penyediaan benih dan pemasaran. Agensi seperti Jabatan Pertanian, Lembaga Pertubuhan Peladang dan FAMA akan terbabit secara bersepadu bagi setiap kawasan yang dikenal pasti untuk membangunkan tanaman.

Pada masa ini, pekebun kecil menyumbang kepada 80% pengeluaran makanan. Tanah milik pekebun kecil akan terus dibangunkan sebagai *home garden* yang moden dan disusun semula di bawah penjenamaan *home garden produce* untuk memenuhi keperluan permintaan pengguna seperti produk buah-buahan dan sayur-sayuran organik, herba dan rempah ratus serta cendawan. Strategi ini boleh dilaksanakan melalui pengwujudan rantaian perniagaan baru di mana komuniti di kawasan bandar menyokong pengeluaran *home garden produce* komuniti desa.

Di samping itu, penjenamaan *home garden produce* akan membuka peluang untuk produk ini dijual di pelbagai saluran pasaran seperti Outlet Peruncitan Khusus (Dedicated Retail Outlet), pasar raya sama ada dalam atau luar negeri. Dalam hubungan ini GLCs, Pertubuhan Peladang, Persatuan Nelayan dan koperasi akan digalakkan sebagai peneraju serta menetapkan jenis dan piawaian pengeluaran.

Adakah MOA menyediakan insentif untuk memperluas Penggunaan Teknologi Terkini dan Mekanisasi.

Bagi menggalakkan penggunaan teknologi dan mekanisasi dalam industri agromakanan, insentif dalam bentuk pengecualian cukai import dan pinjaman mudah

akan disediakan bagi membolehkan perolehan peralatan pada harga yang mampu dibeli oleh pengusaha ternakan. Program latihan dan pendedahan kepada teknologi terkini termasuk inkubator akan dipergiatkan bagi meningkatkan kesedaran dan penggunaan teknologi.

Sektor swasta dan koperasi juga akan digalakkan untuk menyewakan peralatan dan menyediakan perkhidmatan teknologi pertanian bagi memperluas penggunaan teknologi dan mekanisasi terutama di kalangan usahawan ternakan yang tiada kemampuan dari segi kewangan atau kemahiran dalam penggunaan teknologi terbabit.

Bagaimana pula aspek pembiayaan dan bantuan kewangan.

Bagi merencanakan pelaburan swasta dalam aktiviti pertanian, pinjaman mudah yang mencukupi akan disediakan dan akses kepada pembiayaan dipermudah terutama dalam industri pertanian bernilai tinggi.

Dalam hubungan ini, dana untuk aktiviti pertanian bernilai tinggi dengan kadar faedah dan syarat pinjaman yang menarik akan disediakan oleh kerajaan melalui Agrobank dan Tabung Ekonomi Kumpulan Usaha Niaga (TEKUN).

Pihak swasta, GLC, pertubuhan peladang dan persatuan nelayan akan digalakkan untuk menubuhkan konsortium atau syarikat peneraju bagi menjamin pasaran bagi hasil dan produk pertanian keluaran pengusaha pertanian berskala kecil. Bagi membolehkan pengusaha



tani melaksanakan aktiviti pengeluaran pengusaha ternakan secara berterusan dengan modal pusingan yang mencukupi, Skim Jaminan Belian Balik (Guaranteed Buy Back Scheme) akan dilaksanakan oleh pasar raya yang terbabit dengan kerjasama syarikat peneraju dan institusi kewangan seperti Agrobank. Dalam hubungan ini, Agrobank akan melaksanakan Skim Pemfaktoran (Factoring Scheme) untuk memberi kemudahan kredit jangka pendek dengan membeli invoice sebelum bayaran diterima daripada pasar raya supaya pengusaha dapat terus beroperasi untuk membekalkan pengeluaran. Dana pusingan bagi tujuan ini akan disediakan oleh Kerajaan melalui Agrobank.

Skim jaminan kredit sedia ada di bawah Credit Guarantee Corporation (CGC) juga akan diperluas dan insurans pertanian disediakan bagi mewujudkan perkongsian risiko lebih baik dalam aktiviti pertanian.

Inisiatif akan diambil untuk memperkukuh peranan EKS berasaskan pertanian, termasuk mem-

bangunkan EKS yang lebih berdaya saing dan berdaya tahan. Pakej sokongan dan insentif akan disediakan dan disesuaikan mengikut tahap pembangunan enterprise seperti latihan inkubator, pembiayaan, penjenamaan produk dan pemasaran berdasarkan tahap perniagaan usahawan ternakan.

Apakah pesanan Datuk Seri Sempena Hari Peladang, Penternak dan Nelayan pada tahun ini.

Adalah diharapkan pengiktirafan ini, peladang, penternak dan nelayan dapat berasaskan keprihatinan kerajaan ke atas usaha dan jerih payah mereka dalam pelbagai aktiviti demi mengeluarkan bahan makanan dan pertanian untuk kegunaan negara kita khususnya. Dengan pengiktirafan ini, saya berharap dapat mendorong peladang, penternak dan nelayan untuk berusaha lebih gigih, berwawasan dan melipatgandakan usaha memajukan sektor pertanian dan industri asas ternakan dalam negara.

Tumpu pengeluaran produk pertanian berkualiti tinggi

DARI MUKA 1

negara. Justeru, MOA terus dipertanggungjawabkan untuk menggubal Dasar Agro Makanan (DAM) yang meliputi tempoh 2011-2020. Dasar ini berteraskan pengukuhan daya saing dan kemampuan di sepanjang rantaian nilai. Ini memastikan daya saing sektor agro-makanan boleh dikukuhkan dengan pengurusan sumber yang lebih bijak dan cekap di samping memelihara kelestarian sumber alam dan mengurangkan kemerosotan kualiti alam sekitar.

DAM antara lain menggariskan hala tuju strategik penerokaan

projek pertanian bernilai tinggi untuk diperkukuh dan diperluas bagi meningkatkan pendapatan kumpulan sasar dan meningkatkan sumbangan kepada Keluaran Dalam Negara Kasar (KDNK). Pertanian bernilai tinggi difokuskan kepada industri sarang burung walit, akuakultur, rumpai laut, ikan hiasan, herba dan rempah ratus, cendawan, florikultur, buah-buahan dan sayur-sayuran organik serta makanan berfungsi.

Dalam jerih payah petani, penternak dan nelayan menumpahkan keringat menyumbang kepada kecukupan bekalan makanan kepada rakyat, kerajaan tidak mahu petani, penternak dan nelayan

ketinggalan dalam menikmati kekayaan dan pulangan seperti disasarkan oleh Model Baru Ekonomi. Justeru, golongan terbabit perlu lebih berdaya saing dalam suasana perdagangan global yang semakin terbuka, terutama dengan negara yang mempunyai kos pengeluaran yang lebih rendah.

Bagi meningkatkan daya saing hasil dan produk pertanian negara, peladang, penternak dan nelayan perlu mengambil peluang daripada peningkatan pendapatan, taraf hidup dan perubahan gaya hidup penduduk. Tumpuan harus diberi untuk mengeluarkan hasil dan produk pertanian yang berkualiti tinggi, yang dapat dijual pada har-

ga lebih tinggi. Lebih penting, pengeluaran hasil pertanian perlu mematuhi sistem piawaian bertaraf antarabangsa. Sehubungan itu, adalah lebih berkesan jika semua peladang, penternak dan nelayan melaksanakan amalan pertanian baik yang mana bimbingannya boleh diperolehi di jabatan atau agensi tertentu di bawah Kementerian Pertanian dan Industri Asas Tani.

Apa yang jelas, ejen paling sesuai untuk membawa perubahan dan kemajuan kepada kumpulan sasar sektor pertanian ialah Pertubuhan Peladang mahupun Persatuan Nelayan. Kedua-duanya dilihat menjadi organisasi penting bagi melaksanakan program pem-

bangunan kepada masyarakat ternakan. Tanggungjawab Pertubuhan Peladang di peringkat kawasan bukan hanya sebagai pembekal peralatan dan input pertanian atau pengurus kepada projek pertanian, malah lebih penting lagi adalah untuk memimpin secara profesional dan menerajui pelaksanaan aktiviti pertanian komersial yang berdaya maju.

Harapan menggunung pastinya dengan sumbangan jitu masyarakat peladang, penternak dan nelayan mampu memastikan suatu hari nanti negara berupaya mengeluarkan makanan untuk sara diri dan tidak lagi bergantung kepada keperluan import.

NAFAS bangga pencapaian semasa

Tekad terus prestasi terbaik, rangka strategi ke arah pertumbuhan lebih cemerlang

PERTUBUHAN Peladang Kebangsaan (NAFAS) bertekad meneruskan prestasi membanggakan sepanjang tahun lalu, di samping membuat perancangan lebih mantap bagi memastikan kejayaan lebih cemerlang pertumbuhan itu pada masa depan.

Pengerusinya, Tan Sri Abdul Rashid Abdul Rahman, berkata pencapaian memberangsangkan pertumbuhan itu adalah hasil kerja keras barisan pengurusan NAFAS serta sokongan semua Pertubuhan Peladang (PP), khususnya melalui struktur Pertubuhan Peladang Tiga Peringkat.

NAFAS bertindak sebagai PP induk dalam struktur terbabit dengan kewujudan struktur Pertubuhan Peladang Tiga Peringkat ini adalah berasaskan undang-undang dan peraturan Pertubuhan Peladang melalui peruntukan dalam Seksyen 3(1), (2), (3) dan Seksyen 18A, 18B dan 18C Akta 109, Akta PP 1973.

“Saya melahirkan rasa penuh kesyukuran terhadap prestasi yang ditunjukkan oleh NAFAS sejak belakangan ini.

“Malah, prestasi kewangan NAFAS pada tahun kewangan 2009 menunjukkan pencapaian yang cukup membanggakan berdasar kepada perolehannya yang meningkat kepada RM980 juta dengan keuntungan bersih RM22.7 juta, sekali gus peningkatan sebanyak 17.7 peratus berbanding tahun sebelumnya,” katanya baru-baru ini.

Pada peringkat kumpulan pula, NAFAS berjaya mencatat perolehan sebanyak RM1.2 bilion dengan keuntungan berjumlah RM107 juta. Ia adalah peningkatan 26 peratus berbanding perolehan sebelum, manakala keuntungan terkumpul NAFAS sebelum pengagihan adalah sebanyak RM112 juta, meningkat daripada RM103 juta.

Sejajar pencapaian itu, nilai bersih pada 31 Disember 2009 bagi Pertubuhan dan Kumpulan ialah masing-masing sebanyak RM244.5 juta dan RM578.8 juta. Ini menjadikan dana pemegang saham adalah 33 kali ganda modal saham berbayar yang berjumlah RM12.9 juta.

Tanggungjawab NAFAS kini dilihat semakin mencabar, terutama dalam melaksanakan projek berskala besar yang boleh mendatangkan manfaat secara langsung kepada 14 Pertubuhan Peladang Negeri (PPN), Pertubuhan Peladang Kawasan (PPK) dan lebih 770,000 ahli peladang seluruh negara.

Sehingga kini, NAFAS sedang melaksana projek ekonomi berskala besar seperti pengilangan baja sebatian, pembekalan kejenteraan ladang, pemasaran hasil pertanian, pengedaran baja, perladangan dan penyertaan ekuiti melalui anak-anak syarikat. NAFAS turut menjadi peneraju dan pengemblem kepada isu yang menyentuh kepentingan ekonomi dan sosial warga peladang.



NAFAS telah berjaya pada masa kini dan diharapkan dapat menjadi payung kepada semua Pertubuhan Peladang di bawahnya

Abdul Rashid Abdul Rahman
Pengerusi NAFAS

Malah, kesungguhan dan komitmen yang dilaksanakan NAFAS turut mendapat perhatian Perdana Menteri, Datuk Seri Najib Tun Razak, yang meminta NAFAS melakukan sesuatu yang boleh melonjakkan bidang pertanian sewaktu merasmikan mesyuarat agung NAFAS ke-37 pada Disember lalu.

Beliau juga berharap NAFAS dapat menggaris serta mengkaji secara mendalam bentuk sumbangan yang boleh disalurkan untuk menayakan Pelan Transformasi Ekonomi Negara, memantapkan bidang pertanian yang juga adalah salah satu daripada 12 bidang keberha-



PERDANA Menteri, Datuk Seri Najib Razak memalu gong ketika merasmikan Mesyuarat Agung NAFAS 2010 sambil diperhatikan (dari kanan) Ketua Pengarah LPP, Datuk Arpan Shah, Ketua Setiausaha Kementerian Pertanian dan Industri Asas Tani, Datuk Mohd Hashim Abdullah, Abdul Rashid dan Menteri Pertanian, Industri Asas Tani, Datuk Seri

silan utama negara dalam usaha melonjakkan Malaysia menjadi sebuah negara berpendapatan tinggi menjelang 2020.

Selain saranan Perdana Menteri, NAFAS menerusi anak syarikat berusaha mencapai sasaran perolehan lebih tinggi iaitu RM1.01 bilion dengan keuntungan bersih dijangka RM53.7 juta sepanjang 2011.

Justeru, aktiviti perniagaan utama yang dijangka menyumbang kepada pencapaian berkenaan termasuk pembekalan baja dan kimia pertanian, peralatan kejenteraan pertanian, perladangan sawit di Malaysia dan Indonesia serta kontrak pembekalan ayam daging kepada institusi kerajaan.

Sehubungan itu, Abdul Rashid menjangka kira-kira 300,000 tan metrik baja akan dibekal kepada pengguna yang mana sebahagian besarnya di bawah program Kementerian Pertanian dan Industri Asas Tani. Aktiviti pemasaran berstruktur dan khusus juga akan dipertingkatkan pada 2011 dan tahun berikutnya.

Selain menjalankan aktiviti perniagaan, NAFAS tidak mengabaikan tanggungjawab sosial melalui beberapa program terancang. Program Khidmat Masyarakat NAFAS yang memberi keutamaan kepada ahli PP menyediakan sistem penyampaian perkhidmatan yang lebih berkesan dengan menawarkan khidmat nasihat, bimbingan dan kebajikan yang dapat meningkatkan sosio-ekonomi masyarakat peladang. Sepanjang 2010, lebih RM1 juta dibelanjakan bagi tujuan terbabit.

Dalam pada itu, dari segi kepimpinan PP, Abdul Rashid mengakui pertumbuhan itu belum sepenuhnya dapat menarik minat peladang muda menyertainya.

FAKTA

Antara aktiviti dijalankan NAFAS

- Subsidi harga makanan ayam di bawah skim payung pemasaran ayam daging untuk menjamin ahli yang terbabit dengan perusahaan ternakan ayam daging dapat terus beroperasi.
- Program sambutan Hari Peladang, Penternak dan Nelayan.
- Pembabitan dalam Mesyuarat Agung Pertubuhan Peladang dan Yayasan Pelajaran Peladang.
- Program Mesra Peladang dan Jalinan Tani untuk melahirkan pengusaha sawah dalam pengurusan penanaman padi.
- Mengemblem sumbangan Pertubuhan Peladang terutama bagi membantu mangsa banjir.
- Melancarkan Tabung Bencana Peladang bagi meringan beban peladang yang ditimpa bencana seperti banjir dan kemarau.

“Golongan ini dilihat sebagai pelapis. Justeru, mereka ini seharusnya ditarik mendekati PP bagi memantapkan lagi pergerakan ini,” katanya.

Abdul Rashid turut mengingatkan pemimpin peladang di peringkat bawah perlu menjalankan tanggungjawab lebih agresif supaya hasrat kerajaan dapat direalisasikan.

“Pemimpin PP sewajarnya menjadi penghubung dalam menyampaikan hasrat dan misi kerajaan kepada golongan akar umbi supaya ia tertanam kukuh dalam ingatan setiap ahli peladang.

“Di samping itu, mereka perlu berperanan menyedarkan pelbagai pihak akan kebaikan usaha pertanian yang dijalankan secara berkelompok atau diuruskan secara mini estet.

“Maka, menjadi tugas pemimpin juga mencari jalan supaya ia dapat direalisasikan untuk projek sawah

padi, kelapa sawit dan getah.

“Jadi mereka perlu pandai menjalankan promosi supaya tanah sawah terbiar dapat disatukan dan dibangun serta diurus oleh PP,” katanya.

Untuk itu, program khidmat nasihat dan tunjuk ajar perlu disusun secara terancang dan seterusnya dilaksanakan di peringkat Unit Peladang dengan lebih kerap. Melalui pendekatan ini petani boleh mendapat khidmat nasihat dan panduan yang berguna.

Apa yang jelas, perancangan masa depan NAFAS begitu amat penting dan dibuat secara teliti bagi menentukan kesinambungan kegiatan dan kekuatan pergerakan Pertubuhan Peladang. Semua ini perlu dilakukan dalam usaha meningkatkan taraf sosioekonomi ke arah mewujudkan masyarakat peladang yang mampu berdikari, makmur dan progresif.

Mampu raih pendapatan lebih RM50,000 sebulan

MINATNYA terhadap bidang pertanian berputik sejak kecil. Lantas, sebaik meninggalkan alam persekolahan, Samsudin Labandu tidak menoleh ke belakang lagi. Beliau mula mencuburi dan mencuba pelbagai projek tanaman termasuk petola, betik, tembikai, kelapa sawit, di samping mengusahakan ternakan itik, kambing dan udang.

Kesungguhan yang cukup mendalam dalam bidang yang dicintainya membolehkan Samsudin mengumpul aset termasuk tanah, rumah, kenderaan pacuan empat roda dan van pekerja. Beliau kini berjaya membangunkan syarikat sendiri, SL Agro Farm.

"Semua adalah rezeki kurniaan Yang Maha Esa berkat kegigihan saya selama ini. Sebaik menyedari keuntungan mampu diraih melalui bidang ini, saya buat keputusan untuk bergiat aktif dalam aktiviti pertanian secara serius," katanya.

Berbekal azam dan semangat yang kuat, beliau mampu mengumpul modal serta mengusahakan projek sendiri. Tidak hairanlah kebanyakan projek diusahakannya adalah daripada modal dikumpul sendiri.

Ternakan kambing pedaging secara integrasi umpamanya memerlukan beliau mengeluarkan modal RM200,000. Namun, kini Samsudin boleh tersenyum kerana ternakan kambingnya yang berjumlah 1,500 ekor mampu mencapai urusan niaga sehingga RM350,000. Tidak hanya menjual kambing pedaging, beliau turut mengusahakan projek pemprosesan tinja kambing dengan purata pengeluaran sebanyak 345 tan metrik, sekali gus menjadi sumber



rezeki tambahan selain menternak kambing pedaging.

Tidak terhenti setakat itu, dengan modal RM20,000 beliau memulakan ternakan anak itik yang menjangkau sehingga 2,000 ekor. Hasil pengeluaran adalah sebanyak RM30,000 dan beliau mencapai keuntungan bersih RM10,000.

"Selain membekalkan anak itik kepada penternak, saya juga tidak ketinggalan mengusahakan projek itik penelur dengan purata pengeluaran sehingga 150,000 biji. Ia dijadikan telur asin, Alhamdulillah menerusi projek ini saya mampu mendapat keuntungan bersih RM55,000," katanya.

Antara projek lain yang diusahakannya ialah tanaman petola di kawasan seluas satu hektar dengan modal sebanyak RM20,000. Purata pengeluaran mencecah 19 tan metrik sepusingan. Menerusinya Samsudin memperoleh nilai jualan RM38,400 dengan keuntungan bersih RM18,400.

Beliau yang dinobatkan sebagai Peladang Jaya Lelaki Kebangsaan 2010 adalah ahli Pertubuhan Peladang Kawasan (PPK) Tawau, Sabah dan turut dipilih sebagai Ahli Jawatankuasa Ternakan PPK itu.

Tanaman kelapa sawit seluas 81 hektar turut menjadi salah satu sumber pendapatan keluarganya sehingga kini yang memberikan Samsudin pendapatan bersih mencecah RM170,000. Selain itu, beliau turut mengusahakan projek silaj pelepah kelapa sawit yang dijadikan makanan kepada ternakan kambingnya.

Bagi menambah pendapatan, beliau juga mengusahakan perniagaan pengangkutan dan perkhidmatan sewa lori dengan hasil keseluruhan urusan niaga sebanyak RM100,000. Nilai urusan niaga Samsudin sepanjang 2009 berjumlah RM1,499,275 dengan keuntungan bersih RM604,275 atau RM50,360 sebulan.

Selain menumpukan sepenuhnya komitmen mencari rezeki, beliau berasakan tidak lengkap jika dirinya masih kekurangan dengan ilmu pengetahuan di bidang pertanian. Untuk itu, beliau sering menghadiri pelbagai kursus berkaitan. Malah, beliau tidak loke untuk berkongsi ilmu yang diperolehi dan kerap kali memberi ceramah serta menjadi penasihat kepada penternak tempatan.

Sebagai peladang jaya, Samsudin menyimpan cita-cita dan berhasrat menjadikan ladang beliau salah satu pusat agro pelancongan, di samping menanam harapan projek ternakan kambingnya mampu menjadi pusat rujukan kepada penternak seluruh negara suatu hari nanti.

Usaha gigih nobat Samsudin peladang jaya



LPP diberi sijil MS ISO 9001:2008

LEMBAGA Pertubuhan Peladang (LPP) antara agensi yang pertama di bawah Kementerian Pertanian dan Industri Asas Tani yang diiktiraf sebagai mematuhi piawaian MS ISO 9001:2008 dan dianugerahkan Persijilan Sistem Pengurusan Kualiti Bertaraf MS ISO 9001:2008 (MY-AR3082) mulai 25 Februari 2011.

Pada peringkat awal, pengurusan LPP bersetuju melaksanakan persijilan bagi tiga bahagian, merangkumi Bahagian Pembangunan Modal Insan, Bahagian Kewangan dan Bahagian Khidmat Pengurusan yang mengikut aktiviti yang dipersetujui Bahagian berkenaan. Namun, selepas perbincangan dengan EQ Management Associates (Jururunding untuk MS ISO), mencadangkan supaya satu persijilan LPP dipohon berbanding tiga persijilan untuk Bahagian sebagaimana yang dirancang sebelumnya.

Justeru, Cawangan Permodenan Organisasi dan Inovasi di bawah Bahagian Hal Ehwal Korporat serta dibantu Cawangan Audit Dalam merangka Kertas Kerja Cadangan Pelaksanaan Persijilan MS ISO 9001:2008 Lembaga Pertubuhan Pe-

ladang. Ia dibentangkan dalam Mesyuarat Pengurusan LPP Bil.9/2010 pada 15 Mac 2010 untuk mendapat maklum balas dan persetujuan pihak Pengurusan LPP.

Hasil pembentangan berkenaan, mesyuarat bersetuju dengan cadangan itu dan melantik Bahagian Hal Ehwal Korporat sebagai urusetia bagi mengambil tindakan susulan merealisasikan hasrat berkenaan.

Antara cadangan proses/aktiviti Bahagian bagi melaksanakan Persijilan Sistem Pengurusan Kualiti MS ISO 9001:2008 Lembaga Pertubuhan Peladang memabitkan Skop Pendaftaran dan Persijilan MS ISO 9001:2008 yang menjurus kepada penyediaan dan penyampaian perkhidmatan utusan pendaftaran, pembangunan dan pengurusan Pertubuhan Peladang, sekali gus menjelaskan lebih terperinci tanggungjawab dan komitmen 11 bahagian dan dua cawangan di LPP.

Semua aktiviti dilaksanakan di Ibu Pejabat LPP kecuali aktiviti pengurusan perkhidmatan audit berkanun ke atas Pertubuhan Peladang yang dilaksanakan di Ibu Pejabat dan LPP Negeri.

Secara langsung, kesan pelaksanaan dan persijilan sistem pengurusan kualiti MS ISO 9001:2008 itu nyata memberi kesan lebih positif dan menguntungkan LPP. Dari segi yuran persijilan, jumlah yang dikenakan juga lebih rendah manakala bagi konteks pelaksanaan pula memperlihatkan audit badan persijilan akan diadakan secara berasingan.

Bagaimanapun, dalam keperluan Standard MS ISO 9001:2008 ada proses/aktiviti yang bertindak sebagai sokongan atau interface kepada proses/aktiviti utama. Contohnya, aktiviti Bahagian Perolehan, Latihan dan Penyelenggaraan Infrastruktur akan diaudit setiap kali proses pengauditan dibuat terhadap ketiga-tiga bahagian berkenaan. Untuk itu proses atau aktiviti akan diaudit tiga kali setahun.

Dalam pada itu, proses Audit Dalaman juga perlu dilakukan sekurang-kurangnya dua kali setahun (bagi organisasi baru melaksanakan MS ISO 9001:2008). Sehubungan itu, jika persijilan dibuat secara berasingan, LPP terpaksa melaksanakan enam kali proses pengauditan setahun untuk keti-



PENGERUSI LPP, Datuk Zainal Dahlan menerima MS ISO 9001:2008.

ga-tiga Bahagian yang dicadangkan sebelum ini.

Penganugerahan Persijilan MS ISO 9001:2008 kepada LPP ini diharapkan mampu menjadikan sistem penyampaian urusan pendaftaran, pembangunan dan pengurusan

Pertubuhan Peladang menjadi lebih dinamik dan berdaya saing dalam memacu transformasi pertanian ke arah yang lebih tersusun, fleksibel serta memenuhi kehendak kumpulan sasaran iaitu petani, peladang dan penternak.



PESERTA memasarkan hasil pertanian diusahakan sendiri atau pun diperoleh daripada pembekal.



PELBAGAI kemudahan disediakan untuk memberi keselesaan kepada peniaga dan orang ramai.

● AINAL MARHATON ABD GHANI | BERITA HARIAN

Peserta FAMA jana pulangan lumayan

Penjenamaan semula pasar tani beri impak positif



Hasrat FAMA adalah untuk membantu golongan petani keluar dari garis kemiskinan dan kini mereka sudah melepainya malah mampu meraih pendapatan lebih tinggi

Mohd Lokman Mohd Isa
Pengurus Pusat Operasi FAMA

hektar itu, dilengkapi pejabat, stor, bilik dilengkapi pendingin hawa untuk daging, kafeteria, tandas dan tempat letak kereta yang memberi kemudahan kepada peniaga dan orang ramai.

"Hasrat FAMA adalah untuk membantu golongan petani keluar dari garis kemiskinan dan kini mereka sudah melepainya malah mampu meraih pendapatan lebih tinggi," katanya.

Beliau berkata, pada awal penubuhan pasar tani hingga 2002, nilai jualan peserta adalah sekitar RM50,000 setahun tetapi jumlah itu meningkat selepas konsep pasar tani harian diperkenalkan dengan peserta memperoleh pendapatan sehingga RM1.5 juta dalam tempoh enam bulan bermula Jun hingga Disember.

Katanya, nilai jualan tahunan peserta terus meningkat kepada RM4.4 juta (2003), RM5.6 juta (2004), RM5.9 juta (2005), RM6 juta (2006), RM6.5 juta (2007) dan RM7.5 juta (2008). Bagaimanapun, ia menurun sedikit kepada RM7.1 juta (2009) sebelum kembali meningkat kepada RM7.5 juta (2010).

Malah, katanya, bagi enam bulan pertama tahun ini, nilai jualan sudah mencecah RM4.8 juta dan angka ini membuktikan perniagaan di kompleks serba moden dan canggih mampu menjana pendapatan lebih tinggi berbanding berniaga di kaki lima.

"Pada masa sama, urusan perniagaan berlangsung dalam suasana selesa sekali gus dapat menarik lebih ramai pengunjung," katanya.

Mohd Lokman berkata, penjenamaan semula pasar tani dapat memberi imej baru pada konsep pasar tani sedia ada.



MAIMUN Derus, 54, menunjukkan ikan patin salai yang dijualnya.



KOMPLEKS Pasar Tani Kekal yang beroperasi sejak 2008 itu disertai 81 peniaga yang pertama seumpamanya dibangunkan di negara ini.

Oleh Ainal Marhaton
Abd Ghani
bhnews@bharian.com.my

BERSANDARKAN falsafah 'Dari secupak menjadi segantang', Lembaga Pemasaran Pertanian Persekutuan (FAMA) Jerantut, Pahang memperkenalkan konsep Perniagaan Tani 1Malaysia dalam usaha mencapai matlamat membasmi kemiskinan dikalangan petani di daerah ini.

Kompleks Pasar Tani Kekal yang beroperasi sejak 2008 itu disertai 81 peniaga yang pertama seumpamanya dibangunkan di negara ini.

Falsafah yang disematkan di hati setiap peserta pasar tani itu kini mula membuahkan hasil apabila sebahagian besar mereka mampu tersenyum lebar kerana memperoleh pendapatan 'ber ganda' berbanding ketika berniaga di kaki lima menggunakan kanopi dan payung bulat.

Beroperasi setiap hari dari jam 5.30 pagi hingga 12 tengah hari kecuali Ahad, kompleks pasar tani serba moden bernilai RM2.17

juta yang dirasmikan Menteri Pertanian dan Industri Asas Tani ketika itu, Datuk Seri Mustapa Mohamed, menjadi 'lubuk emas' peserta memasarkan hasil pertanian diusahakan sendiri atau pun yang diperoleh daripada pembekal.

Selepas lebih 15 tahun berpindah lokasi mengikut jadual pasar tani, kewujudan kompleks berkenaan memberikan keselesaan kepada peserta untuk berniaga.

Pengurus Pusat Operasi FAMA, Mohd Lokman Mohd Isa, kompleks pasar tani kekal itu yang dibina di kawasan seluas 0.4

Kor Tani suntik semangat baru

Generasi muda diminta kongsi idea

Oleh Siti Nurazlinee Azmi
sitinurazlinee@bharian.com.my

PENUBUHAN Kor Tani oleh Kementerian Pertanian dan Industri Asas Tani (MOA) boleh disifatkan sebagai langkah pembaharuan dalam bidang pertanian negara kerana kewujudannya memberikan suntikan semangat terhadap generasi muda untuk bekerjasama menjalankan kerja kebajikan dan sukarela khususnya ketika menghadapi musim banjir.

Sehubungan itu, Menteri Pertanian dan Industri Asas Tani, Datuk Seri Noh Omar berharap penubuhan Kor Tani akan memberi impak positif kepada kementerian dan dapat dijadikan sebagai penyaluran sumber maklumat kepada petani, penternak dan peladang untuk memajukan bidang pertanian negara.

Beliau yang hadir untuk pelancaran gerakan Kor Tani Lembaga Kemajuan Ikan Malaysia (LKIM) dan penyampaian Anugerah Gerak Cemerlang Masyarakat Nelayan Peringkat Kebangsaan 2011 baru-baru ini berkata, anggota Kor Tani adalah

mereka yang mempunyai jati diri dan ketrampilan sebagai penyampai perspektif dan wawasan kementerian bersandar kepada slogan 'Pertanian Adalah Perniagaan'.

Noh berkata, kerjasama daripada angkatan muda penting kerana ia dapat memastikan sektor pertanian mempunyai barisan pelapis, termasuk membantu menjana produktiviti pertanian dengan membantu kerja sukarela golongan sasaran.

Beliau berkata, Kor Tani juga boleh memainkan peranan sebagai barisan hadapan dalam aktiviti kemasyarakatan, terutama menjurus kepada aspek keselamatan kawasan masing-masing seperti membanteras pencerobohan warga asing, termasuk menjadi 'mata-mata' pihak berkuasa.

"Saya berharap latihan yang dijalankan dapat dipraktikkan sebaik mungkin selain mengguna pakai modul yang diajar itu sebagai panduan. Dengan mengikut landasan yang diaturkan itu, pasti dapat melahirkan dan membina disiplin serta personaliti yang unggul di kalangan ahli Kor Tani," katanya.

Beliau berkata, dengan adanya



NOH mendengar pembacaan ikrar pada pelancaran gerakan Kor Tani Lembaga Kemajuan Ikan Malaysia.

golongan muda itu, sekali gus membantu petani untuk menambahkan pengetahuan terutama dalam bidang pertanian selain memperluas ilmu pertanian berlandaskan konsep sains dan teknologi.

"Bagi membangunkan semangat motivasi kepada petani, penternak dan peladang dalam aplikasi Pertanian Adalah Perniagaan, kementerian memerlukan lebih banyak idea bernas yang selalunya boleh diperoleh daripada generasi muda.

"Saya berharap kewujudan Kor Tani dapat digunakan sebaik mungkin dan dijadikan landasan bagi meningkatkan pengeluaran dan

ekonomi dalam bidang pertanian khususnya," katanya.

Beliau menyifatkan tenaga muda amat diperlukan bagi membantu golongan petani, penternak dan peladang yang sudah berusia melaksanakan tugas seperti ketika menghadapi bencana alam mahupun bantuan berbentuk fizikal yang lain termasuk, mendirikan reban, sangkar ikan dan sebagainya.

"Disebabkan itu, pasukan Kor Tani bukan saja terbabit sebagai usahawan tani maju, tetapi boleh dijadikan model bagi menarik lebih ramai orang muda menyertai industri pertanian negara.

"Peranan mereka penting untuk membantu memartabatkan sektor pertanian dan pemilihan mereka dalam keanggotaan Kor Tani dilihat sebagai tepat pada masanya," katanya.

Jelas beliau, dengan adanya kumpulan sokongan seperti Kor Tani, kementerian dapat meneruskan objektif dalam pembangunan industri berikutan lebih banyak idea kreatif dan inovatif yang bakal dicetuskan mereka bagi mencorakkan sektor pertanian pada masa akan datang, sekali gus berupaya meningkatkan daya saing pada peringkat tempatan dan antarabangsa.

LKIM iktiraf masyarakat nelayan cemerlang

BAGI mewujudkan industri perikanan moden, Lembaga Kemajuan Ikan Malaysia (LKIM) sentiasa memainkan peranan untuk membentuk nelayan maju mengikut rentak pembangunan negara dengan menyediakan pelbagai kemudahan berteknologi yang lebih praktikal.

Sehubungan itu, LKIM seiring dengan dunia globalisasi bersedia untuk memberi perkhidmatan bermutu tinggi antaranya menggunakan teknologi seperti sistem online untuk menyelesaikan kesulitan nelayan, terutama dari sudut pinjaman dan pelesenan.

Sempena majlis penyampaian Anugerah Gerak Cemerlang Masyarakat Nelayan, seramai 27 orang menerima anugerah untuk 13 kategori yang dipertandingkan, yang mana pemenang tempat pertama hingga ketiga masing-masing membawa pulang RM1,000, RM2,000 dan RM5,000 berserta trofi.

Memperoleh purata pendapatan bersih sebulan sehingga RM6,000 hanya dengan menjual ikan basah di pasar, ibu kepada empat anak, Ajida Sidek, 33, membuktikan dengan berniaga, beliau bukan saja dapat membantu suaminya yang bekerja sebagai nelayan tetapi mampu meningkatkan taraf hidup keluarganya.

Bermula pada 2008, Ajida menjual pelbagai jenis ikan yang dibeli

daripada suaminya, menjadikan pasar Bako, Sarawak sebagai tempat mencari rezeki di samping menjual sayur-sayuran.

Beberapa bulan selepas menjual ikan di pasar itu, Ajida menggunakan ruang dan peluang disalurkan LKIM untuk memperoleh pinjaman berperingkat sebagai modal pusingan perniagaannya.

Penerima anugerah Usahawan Pasar Nelayan Jaya itu berkata, pinjaman awal dibuat sebanyak RM2,000 diikuti RM3,000 untuk membeli kelengkapan perniagaan seterusnya memohon lagi pinjaman berjumlah RM5,000 sebagai modal pusingan jualan dan perkara lain berkaitan premisnya itu.

Ajida yang menduduki tempat pertama pada majlis anugerah itu berkata, jumlah keseluruhan pinjaman RM10,000 selesai dibayar mengikut jadual ditetapkan LKIM dan kini beliau menumpukan sepenuh perhatian kepada perniagaannya di pasar basah.

Sementara itu, pemenang kategori usahawan akuakultur terbaik (Individu), Rahmad Md Din, 53, pula berkata, setiap usahawan perlu menjadikan LKIM sebagai pusat rujukan kerana menyediakan pelbagai ruang untuk mereka memperoleh khidmat nasihat, bantuan kewangan, kursus dan kaunseling.

Rahmad yang memperoleh RM5,000 berserta trofi pada majlis



NOH menyampaikan replika cek kepada pemenang pada majlis penyampaian Anugerah Gerak Cemerlang Masyarakat Nelayan.

itu berkata, perniagaan yang beliau jalankan pada 1997 ketika berusia 39 tahun membuahkan hasil apabila berjaya mendirikan restoran terapung di pusat akuakultur miliknya di Mukim Ayer Hangat Langkawi.

Bagi pemenang tempat pertama kategori Dana Nelayan Jaya, Mohd Jaafar Abdullah, 48, berkata beliau membuat pinjaman dengan LKIM selepas wujudnya tabung dana untuk nelayan dan sebanyak RM

25,000 dipinjam menerusi Skim Pinjaman Enjin Dalam.

Beliau berkata, pinjaman dibuat pada 2006 itu dibayar balik secara ansuran sebanyak RM600 sebulan dan pada tahun lalu, hutangnya selesai. Katanya, dengan wujudnya dana atau skim seperti ditubuhkan LKIM dapat membantu nelayan seperti membaik pulih bot untuk meneruskan kerja mereka dengan mudah.



Ajida Sidek



Rahmad Md Din



Mohd Jaafar Abdullah

Projek integrasi FG MultiFarm catat kemajuan positif

Fatimah realisasi konsep SDSI

Oleh Habsah Dinin

bhnews@bharian.com.my

FATIMAH Suhaibo, 54, pemilik FG MultiFarm di Mukah, Sarawak merealisasikan konsep Satu Daerah Satu Industri (SDSI) di Mukah dengan melaksanakan integrasi ternakan, pertanian, usaha tani jagung, pusat latihan, penyelidikan dan agro pelancongan.


FG Multifarm kini memelihara kambing dan lembu, memproses baja organik daripada buangan ternakan, mengadakan khidmat konsultasi kepada penternak dan petani serta memberi latihan teknikal dan pengurusan kepada usahawan ternak lama dan baru.

Fatimah yang juga Pengerusi Perkim Mukah ini menggunakan usaha ternakan ruminannya selain menjana pendapatan syarikat, dia juga memberi latihan kepada pelajar universiti, pada masa masa mewujudkan peluang pekerjaan kepada penduduk setempat.

Malah FG Multifarm juga menjadi destinasi agro dan ekopelancongan (*farmstay*) yang terkenal di Mukah.

FG Multifarm memiliki dua kandang kambing berukuran 100x24 kaki, sebuah kandang lembu seluas 60x180 kaki, pusat latihan sangkut untuk latihan praktikal di bahagian depan bangsal kambing.

Ladang FG Multifarm terletak di tengah Penjanaan Semula Tenaga Koridor Sarawak (SCORE) di mana Mukah bakal menjadi pusat ternakan menjelang 2015, manakala Tanjung Manis pula akan menjadi hab halal strategik sebagai pusat pem-



LADANG FG Multifarm terletak di tengah Penjanaan Semula Tenaga Koridor Sarawak.

bekalan ternakan daging halal serantau.

Tiga produk FG Multifarm ialah daging daripada baka, daging dan baja daripada kacukan Boer dan Kajang.

Sesuai dengan wawasannya menjadikan ladang ternakan yang mengamalkan falsafah 'Makmur Bersama Tetangga', iaitu masyarakat setempat sebagai rakan pembangunan serta ladang ternakan mengamalkan konsep 'tanpa bahan buangan' FG Multifarm menghasilkan BOSARIN atau Baja Organik Sapi Asal Urin.

"Ia adalah campuran air kencing lembu dan enzim tumbuhan yang menghasilkan baja bio, kaya de-



Fatimah Suhaibo

ngan nutrien Nitrogen, Phosphorus, Potasium, Kalsium, Magnesium dan Sulfur.

"BOSARIN juga tinggi kandungan mikrob, vitamin, enzim dan agen tumbesaran seperti *auxin* dan *gibberellins*. Baja ini membantu menjadi tumbuhan berdaya tahan terhadap penyakit dan serangan serangga, meningkatkan hasil, selain tidak bersifat toksid dan tidak memberi kesan kepada kulit manusia," ujarnya.

Fatimah juga menghasilkan sejenis lagi baja, iaitu BIO-KULTUR daripada campuran najis lembu dengan enzim tumbuhan semula jadi yang membentuk baja. BIO-KULTUR meningkatkan aktiviti mikrob

dan menggalakkan tumbesaran pokok tanaman dan menambah hasil.

Katanya, baja organik ini kaya pelbagai mineral yang mampu menyeimbangkan kandungan mineral tanah dan tanaman serta mengurangkan kesan penggunaan baja kimia dan racun serangga.

Kini FG Multifarm mampu memperoleh pendapatan bulanan dalam lebih kurang RM37,000 sebulan daripada pelbagai aktiviti ruminan termasuk kambing, lembu, jagung, penjualan baja dan sayuran.

Fatimah berjaya dipilih sebagai Johan Pengusaha Jaya Ternakan Ruminan Kecil pada Hari Peladang Penternak dan Nelayan Peringkat Negeri 2010.

Veterinar raih RM300,000 sebulan ternak ayam

DR Ng Siew Thiam benar-benar mempraktikkan semua ilmu diperoleh sebagai seorang veterinar apabila projek ternakan ayam penelurnya mencatat kejayaan sungguh membanggakan.

Pemegang ijazah perubatan veterinar itu, memulakan projeknya penternakan ayam penelur dari baka Isa Brown di Serian, Sarawak pada 2007 dengan modal permulaan RM100,000.

Selepas berjaya dalam pengeluaran telur berkualiti tinggi serta mendapat sambutan di pasaran di Sarawak, Dr Ng berjaya membesarkan ladang dan menambah jumlah bilangan reban ayam untuk meningkatkan lagi pengeluaran telur syarikatnya, QL Livestock Farming Sdn Bhd (QL Livestock Farming).

"Kini QL Livestock Farming sudah ada tujuh reban tertutup berukuran 17 hektar, empat reban tertutup yang berukuran 12 meter x 105 meter serta dan tiga lagi reban tertutup berukuran 7 meter x 87 meter.

"Setiap reban bertutup dilengkapi dengan kipas ventilasi, pad penyejuk, mesin feeder automatik, conveyer belt untuk pengumpulan tinja (tahi ayam)," kata usahawan berusia 51 tahun ini.

Dengan bilangan reban serta keluasan ladang, QL Livestock kini mampu menghasilkan sejumlah 37.7 juta biji telur setahun ataupun sebanyak 3.8 juta biji telur sebulan, semuanya dari jenis ayam penelur baka Isa Brown.

Teknologi dan mekanisasi moden juga digunakan bagi melan-

carkan kerja pengumpulan telur dan pengredan menerusi mesin pengredan telur, selain menghasilkan makanan ayam sendiri di ladangnya.

Dia juga menyediakan tempat penyimpanan telur, stor penyimpanan makanan dan habuk kayu, tempat penyimpanan air dan tempat pelupusan bangkai ternakan.

Semua 44 pekerja diwajibkan membuat semburan pembasmi kuman bagi tujuan keselamatan, begitu juga dengan kenderaan keluar masuk ke ladang.

Bagaimanapun, telur keluaran QL Livestock Farming hanya dipasarkan di Sarawak mengikut harga gred telur.

Selain memasarkan telur, QL Livestock Farming turut memasarkan makanan ternakan, jualan

ayam tua, jualan tinja ayam dan jualan hasil kelapa sawit.

Dengan usahanya itu, maka tidak hairanlah Dr Ng memperoleh pendapatan bulanan sebanyak RM300,000.

Berdasarkan kejayaan projek ayam penelurnya, Dr Ng terpilih sebagai Usahawan Penternak Jaya Bukan Ruminan Peringkat Negeri sempena Hari Peladang Penternak Nelayan Kebangsaan (HPPNK 2010) manakala dicalonkan sebagai Penternak Jaya Kebangsaan 2010 Kategori Bukan Ruminan oleh Kementerian Pertanian dan Industri Asas Tani Malaysia.

Dr Ng juga dalam usaha membesarkan lagi projek dengan menambah dua lagi reban tertutup serta mengekalkan akreditasi SALT ke atas ladangnya.

